

中華文史叢書之八十八
清・同治刊本影印
王有立主編

皇朝政典舉要

(全)

增田貢原著
毛淦補編

華文書局股份有限公司印行

原序

孫仲謀使呂子明就學曰孤豈欲卿治經爲博士耶但當涉獵往事耳此言精詣造士之法亦不外於此也今治經之習廢庠序之教必從節史亦學風之一變也夫索往事宜由歷史而歷史之浩瀚涉獵亦難故必從節史之精覈而節史之最捷者爲通鑑攬要予欲承姚氏之後記滿清之事而遲迴不果者有年於此夫愛新覺羅氏之代明也當我正保之初而燕雲遼遠聲氣不通及朱舜水歸化鄭大木請援始知明社已屋旣而賈舶致三朝實錄其國初隆興之狀可以徵而順治之後乃絕及聖武記出康熙之於三藩臺灣雍正之於厄魯得乾隆之於準回廓顏金川嘉慶之於畿輔湖苗川陝道光之於回疆湖粵戡亂之迹昭然矣而道光之後乃絕近者先正事略出廣西洪賊之事最詳而咸豐之後乃絕及粵匪紀畧出而同治殄寇之略可以徵而其三年之後乃絕無復書之可考予欲待其書出而記之此所以遲迴不果也然而今則翻然以爲可記也夫我明治之初與清國通也承和遣唐使之後絕無

而僅有是可以記也臺灣之役戮其生番也豐公破明軍之後絕無而僅有是可以記也因載兩國交涉之事遂成同治之記上起順治下終同治又附以開國之記前後二百五十餘年名曰清史攬要凡所採之書其文鬱者暢之冗者裁之以便涉獵則此編未必無裨於造士初學由此而進非復昔日阿蒙矣嗚呼孫仲謀豈欺予哉日本明治十年三月三日岳陽增田貢撰

凡例

一日本增田貢所著原名清史攬要貢乃日本人不妨以清史名篇詮等屬在臣民自有定分仰維 王者無外之義未敢言清猶不逮稗官野史之林何堪言史謹改其名曰 皇朝政典舉要非敢獵美名分然也閱者諒之

一原書所載舛誤頗多或數事而先後倒置或一事而年月不符至官階地名人名之類尤多差謬且如戡定叛亂頭緒繁多歷年亦久未免記此失彼俾閱者不能備識終始在增田貢以外國之人述我 朝之事能提綱挈領大致楚楚自堪欽佩詮等既忝爲紹述何敢不重加攷訂俾原稿益底精詳謹證 國朝掌故諸書訂譌補闕釐爲八卷至提綱書法多所纂改亦祇求不悖中國體裁增君見之幸寬其僭妄之罪

一此編專詳文治武功故於儒林文苑隱逸之流雖事多可傳皆從簡略至祥瑞偶災似無關聖治之要亦付闕如

一此編起順治迄同治凡八世二百五十餘年冠以開國天命天聰崇德兩朝以昭神聖崛起之盛

一凡擡頭字樣以限於篇幅謹依東華錄體例空一格寫以昭慎重

一凡縮印諸書傳鈔既易舛錯而小楷尤難勻整爰用宋字繕成精加校勘俾閱者眉目一清

呈朝政典事要目錄

卷一

天命

天聰崇德

順治

卷二

康熙

卷三

雍正

卷四

乾隆

卷五

嘉慶

嘉慶

卷六

道光

卷七上

咸豐

卷七下

咸豐

卷八上

同治

卷八下

同治

皇朝政典舉要卷一

日本增田貢原著

遂安毛 淦補編

仁和汪厚昌 訂正
錢塘顧梓田

太祖高皇帝 天命十一年

太宗文皇帝 天聰十年崇德八年

我朝之先。當遼金之末。國於長白山下。姓愛親覺羅。國號滿洲。數傳至 肇祖

興祖。興祖子爲 景祖。景祖諱覺昌。安饒才智。漸併諸部。景祖三子爲

顯祖。諱塔克世。顯祖子爲 太祖。智勇天錫。舉止非常。明萬歷十一年。滿洲圖

倫城。有尼堪外蘭者。陰誘明寧遠伯李成梁。攻沙克城。殺城主。又攻古勒城。城主

阿太章京妻。卽 景祖女孫也。景祖與 顯祖。俱往救之。先後入城。成梁攻城

不克。尼堪外蘭請來招撫。給城中人。使殺阿太。并害 二祖。太祖大怒。欲得外

蘭而甘心焉。明人不肯。且曰。當令外蘭爲滿洲國主。國人信之。皆歸焉。太祖愈

太祖

滿洲

攻尼堪外
關

中五十創

鴨綠江

破九國兵

攻葉赫

七大憾

破明兵

楊鎬
杜松

怒。亟攻外蘭於圖倫城。外蘭遁。克其城。時年二十五。僅有顯祖遺甲三十副。兵百人而已。明人卒執外蘭來歸。乃斬以復仇。先是明歸二祖喪。至是又給龍虎將軍印。及歲幣八百兩。十五年。攻哲陳部。阻漲渾河。聯繩而渡。跨堞而戰。身中五十餘創。遂克之。十六年。復克完顏部。滿洲五豪部皆服。遂有建州。兵食強富。又收鴨綠江部。而葉赫等九國忌之。合兵三萬來侵。國人大懼。太祖酣寢達旦。奮兵出戰。大克之。斬級四千。獲馬三千。禽布占泰。軍威大震。二十七年。始絕明貢。惟爲互市。三十五年。滅輝發國。取烏拉。尋征葉赫。葉赫乞援於明。明使遊擊馬時枏。率火器千助之。太祖戰下其七城。遂誓師。誓明。明萬歷四十三年。太祖年五十八。建元天命。國號滿洲。海西四國平其三。惟葉赫恃明不下。明亦倚爲北關。太祖謀大破明。乃休兵二年。以三年興師伐明。以七大憾。誓告天地。步騎二萬發興京。圍撫順城。降明游擊李永芳。夷其城而還。復克清河城。斬副將鄒儲賢等萬人。四年。明遼東經略楊鎬。集兵瀋陽。二十四萬。四路深入。各率兵六萬。總兵杜松入。

李如柏
馬林
劉綎
渾河

薩爾大戰

杜松死
尙間
匡戰

河水赤

劉綎陣法

撫順關。李如柏入鴉鶻關。馬林入三岔口。劉綎入寬甸。合向都城。太祖盡徵各路屯兵。集城中。戒嚴以待。杜松素勇輕敵。欲立首功。日馳百餘里。抵渾河。河流迅急。策馬徑渡。軍多溺死。松以二萬圍界藩城。分三萬屯薩爾濟山。太祖命大貝勒等。以萬五千人援界藩。親率四萬五千。攻薩爾濟大營。明兵恃火礮爲戰。及晡大霧晦。咫尺不辨。明兵列炬以戰。我兵從暗擊明。萬矢雨集。發無不中。而明兵從明擊暗。銃礮皆中柳林。我兵無傷者。踰塹援柵。破明兵三萬。而右翼援界藩者。合山上兵。據高馳下。與山下兵夾攻。衝陣爲數隊。杜松中矢死。太祖又馳赴尙間。遇北路明兵二萬。乃陳山麓。下馬步戰。得令未徧。而敵突至。諸旗縱馬馳突。人自爲戰。諸貝勒貫陣出背。表裏夾擊。聲震天地。明兵大敗。河水爲赤。楊鎬聞敗。止如柏綎軍。而綎軍已迫都城。太祖回軍禦之。綎軍連破數寨。節制嚴整。軍行皆持鹿角。止卽成陣。礮軍火器甚練。太祖使降卒持杜松令箭。往給綎曰。西軍已薄敵城。可速進。合兵相助。綎遂棄鹿角而進。分四萬人入隘。四貝勒引右翼出其

冒旗幟
朝鮮兵死

姜功烈降
三路敗
熊廷弼逃

應袁泰代

賀世賢
尤世功

章仲揆陳
渾河戰

第一血戰
遼陽戰

上乘高擊之。綏軍殊死戰。大貝勒又引左翼出其西。冒杜松旗幟。被其衣甲。直入
綏營。大呼格殺。綏軍遂潰。綏力戰死。其康應乾步兵。合朝鮮兵二萬。營富察之野。
方戰。大風走石揚沙。敵目不得開。火器反擊。我兵乘勢衝之。應乾大敗。遁去。朝鮮
之帥姜功烈。以殘兵五千降。是役。明傾天下之力。盡徵宿將猛士。而五日間三路
皆敗。我兵僅損數百人。天眷之歸。實基於此。明誅楊鎬。以熊廷弼代之。時遼瀋
大震。廷弼兼程冒雪。徧閱形勢。招流亡。繕守備。簡士馬。肅軍令。主固守之策。集兵
十八萬。分布衝要。以伺機變。我亦按兵不動者歲餘。明咎廷弼不戰。以袁應泰代
之。然非將材也。六年。攻瀋陽。明總兵賀世賢。勇而善戰。身中十四矢。尤世功救之。
皆沒於陣。城遂破。總兵章仲揆。策秦邦屏。亦來援。師次渾河。我兵急攻。斬邦屏。
明兵入營。發火器。多殺傷。已而丸盡。短兵接。我兵萬矢環射。策仲揆揮刃衝突。各
殺十餘人。乃死。是役。明以萬人。當我數萬。雖力屈而覆。爲遼左用兵以來。第一血
戰。我兵乘勝攻遼陽。袁應泰引水注濠。自出戰而敗。又入城固守。太祖命塞水。

真應泰死

張銓
都遼陽

起廷弼

圍清平堡

劉渠

祈秉忠

王化貞逃

錦州降

孫承忠

袁崇煥築
宣遠城

源渡濠冒礮而登城。明兵照炬達旦。苦戰不勝。經略袁應泰佩印自焚死。御史張銓被執不屈死。於是遼河以東七十餘城俱下。遂遶都遼陽。遼瀋既克。明大震。起熊廷弼。廷弼立三方節制之策。與廣寧巡撫王化貞議不合。化貞言願得六萬兵。一舉蕩平。兵部尙書張鶴鳴信之。無言不從。廣寧有兵十四萬。而廷弼關上無一卒。徒擁經略虛號而已。十月冰合。我兵渡河。圍清平堡。化貞命孫得功祖大壽往援。并檄鎮武閭陽之師共援。途遇我兵。而得功大壽皆走。鎮武兵亦潰。總兵劉渠祈秉忠戰沒。得功陰通我。訛言敵迫廣寧。城中聞之大亂。化貞單騎走。遇廷弼於大陵河北。化貞哭。廷弼笑且憤。乃以所將五千人授化貞。使爲殿。盡焚積聚。護難民數十萬入關。得功迎我兵入廣寧。化貞已竄二日矣。錦州等四十餘城皆降。明建王化貞及熊廷弼以大學士孫承宗經略遼東。承宗才不下廷弼。而器度過之。使袁崇煥築宣遠城。守關外二百里地。練兵十一萬。開屯田五千頃。宣遠迄成雄鎮。魏忠賢黨排承宗令去。以高第代之。第欲棄宣遠。崇煥以死誓守不去。十二年。

刺血書
實遠戰

太祖崩
太宗立

八旗戰法

賞罰嚴明

耕戰

天聰元年

錦州戰

我兵十三萬抵寧遠。崇煥刺血書誓將士。我兵進攻。戴楯穴城。矢石雨下不退。崇煥令閩卒發西洋巨礮。一發決血渠數里。傷數百人。三日再攻再卻。圍遂解。太祖不懌。是年崩。年七十四子。太宗立。太祖每有征伐。與諸貝勒趨野而謀。畫地而議。上馬而傳令。以五大臣議政。十大臣理事。無留獄。無壅情。令簡而速。故事無不舉。臨敵七旗卻走。一旗拒戰。即以七旗佐領之。丁給一旗。一旗卻走。七旗拒戰者亦如之。一旗內半卻走半拒戰者亦如之。罪親不貸。功疏不遺。令信而必。故戰無不克。興京內城。居宗室勳戚。外城居宿衛親兵萬餘。此外遠近十餘萬戶。散處遼河東西。無事耕獵。有事徵調。戰勝分俘受賞。人自爲兵。人自爲饌。無養兵之費。故用無不給。起兵二十載而國基建。又十載而王業大定。天聰元年。即明天啓七年也。攻明取大陵河城。守兵皆遁。進攻錦州不克。袁崇煥守城。滿桂尤世祿背城列火器。諸將以險請退。太宗怒。命侍衛持盾大呼馳進。諸軍殊死衝突。貝勒數人負傷力戰。滿桂中數矢。亦不退。殺傷相當。屍滿濠塹。遂收兵而還。自我起兵。

速崇煥

紅衣礮
大陵河戰

宋偉

吳襄

祖大弼

萬人敵
大壽降
孔有德款
仲明降
尚可喜降

明軍望風潰。議戰守自崇煥始。二年。明數遣使來議款。久不決。三年。大舉伐明。與崇煥遇於沙河。鏖戰互有殺傷。會天暑。我兵不能下。遂縱反間。明逮崇煥。復起孫承宗以鎮關。我兵宵冒明旗幟。黎明突其不意。攻之。滿桂戰死。三年。明軍二十萬。以馬世龍統之。與承宗犄角。攻灣州。人斫一柳立平其濠。發大礮摧城堞。我守將潰走。貝勒阿敏見明軍勢盛。不援而遁。遵化諸將亦爲明軍所襲破。明遂復關內四城。五年。始鑄紅衣礮。命漢軍演火器。與明軍戰於大陵河。敵陣堅不動。太宗自率兩翼勁兵。先衝宋偉營。營中火器震天。左翼避礮。隨右翼而進。宋偉殊死戰。我前鋒多死。復麾左翼。以火箭攻吳襄。時黑雲起。風從西來。襄軍乘勢縱火。忽大雨。反風燬敵。右翼與偉力戰至晡。敵軍遂大敗。明副總兵祖大弼率死士百餘人。滿語者。易服辮髮。夜突牙營放火。麾下驚擾。侍衛親軍力戰卻之。大弼大壽弟。號萬人敵。嘗以五百騎突錦州。刃及太宗之馬。已而大陵河援盡糧絕。大壽遂降。六年。明登州參將孔有德耿仲明以舟師來降。明年廣鹿島副將尚可喜亦降。三

三文龍

崇德元年

偏燕京

朝鮮降

盧象昇死

人者毛文龍部將也。袁崇煥殺毛文龍。而孔耿反登州。可喜亦收諸島衆數千。至是耿孔爲天祐兵。可喜爲天助兵。九年。貝勒多爾袞降揅漢國。由朔州破宣武。入略代忻應惇四州。斬明兵六千人。十年。改元崇德。國號大清。卽明崇禎九年也。是秋。命武英郡王阿濟格入居庸。克昌平。偏燕京。取十二城。五十六戰皆捷。二年。帝親率兵十萬伐朝鮮。朝鮮王李倬徙妻子於江夏島。棄國都保於南漢山城。告急於明。并檄國中諸道勤王。欲固守以待外援。時明庭方急流寇。不暇卹鄰。諸道援兵相繼奔潰。我兵圍南漢山城。四路並出。分略諸道。且破島城。獲王妃王子。并郡臣家口焉。李倬乃出降。奉正朔。歲時貢獻。一如明庭舊制。三年。多爾袞與明督師盧象昇大戰於保定。又戰於鉅鹿。象昇血戰兩月。礮盡矢竭。猶徒手格殺數十人而死。我兵進略眞定。深入破濟南。執明德王。降五十城。六年。明薊遼總督洪承疇率曹變蛟吳三桂等八總兵。軍十三萬。馬四萬。集宣遠。進圍松山。太宗親統大軍赴援。吳三桂等六總兵皆潰走杏山。曹變蛟入松山。與洪承疇固守。突圍

大破明兵

曹變蛟邱
民仰死

順治元年

五次皆不遂。最後斫牙營。傷而還。太宗又料杏山兵必奔寧遠。張伏破之。先後殺五萬三千餘人。海中浮屍如雁鷺。我兵昏夜僅傷十人耳。七年。松山副將夏承德爲內應。我兵入城。禽洪承疇。祖大樂等。曹變蛟。邱民仰戰死。錦州亦降。旋克杏山。於是明國大震。始決和議。遣官至錦州。太宗不報。明復申前議。將成而復敗。命貝勒阿巴泰伐明。自雁門入會。薊州。東至兗州。下十八州而還。明自萬厯歲徵遼餉六百六十萬。崇禎中復加勦餉二百八十萬。練餉七百二十萬。先後共增賦千有六百七十萬。竭天下兵餉大半以事關東。而中原盜賊蠭起。是年。太宗崩。世祖繼立。改元順治。卽明崇禎十七年也。世祖使睿親王伐明。師次遼河。時李自成已陷燕京。僭稱帝。僞號大順。明將吳三桂乞援。世祖發兵援三桂。掃蕩李自成。遂代明定天下。

